

REGLUGERÐ KSÍ um knattspyrnudómara og eftirlitsmenn

1. gr.

Flokkun dómara

- 1.1. Knattspyrnudómurum skal skipað í eftirfarandi þrjá flokka eftir kunnáttu og reynslu:
- unglingadómarar,
 - héraðsdómarar,
 - landsdómarar.
- Dómaranefnd KSÍ tekur ákvörðun um færslu dómara á milli flokka.

2. gr.

Unglingadómarar

- 2.1. Til þess að hljóta réttindi sem unglíngadómari þarf dómaraefnið að verða 15 ára á árinu og hafa sótt sérstakt námskeið fyrir unglíngadómara á vegum dómaranefndar KSÍ. Námskeið fyrir unglíngadómara skulu haldin að minnsta kosti þrisvar sinnum á ári.
- 2.2. Unglíngadómari hefur rétt til að dæma leiki í 4. aldursflokki og yngri aldursflokkum, nema í úrslitakeppnum landsmóta, og hefur rétt til að starfa sem aðstoðardómari í 2. aldursflokki og yngri aldursflokkum. Unglíngadómari má einnig dæma alla leiki í keppni 7 manna liða, nema í úrslitakeppnum landsmóta.

3. gr.

Héraðsdómarar

- 3.1. Héraðsdómari getur hver sá orðið, sem starfað hefur sem unglíngadómari síðastliðið ár og lokið að minnsta kosti 20 störfum og einnig lokið námskeiði fyrir héraðsdómara á vegum dómaranefndar KSÍ. Nefndinni er heimilt að meta kunnáttu og reynslu unglíngadómara og veita honum réttindi sem héraðsdómari án þess að hann hafi lokið sérstöku námskeiði fyrir héraðsdómara.
- 3.2. Héraðsdómari hefur rétt til að dæma alla leiki nema:
- leiki í Pepsi-deildum karla og kvenna og í 1. og 2. deild karla,
 - leiki í meistarakeppni KSÍ,
 - úrslitaleiki í landsmótum, þar með talið úrslitakeppni 3. deildar karla og 1. deildar kvenna,
 - leiki í bikarkeppni meistaraflokks karla (aðalkeppni) og bikarkeppni meistaraflokks kvenna (aðalkeppni),
 - leiki við erlend lið í 1. aldursflokki.
- 3.3. Dómaranefnd KSÍ getur veitt undanþágu frá þessum ákvæðum, þegar sérstaklega stendur á.
- 3.4. Héraðsdómari hefur einnig rétt til að starfa sem aðstoðardómari í öllum aldursflokkum.

4. gr.

Landsdómarar

- 4.1. Landsdómari getur hver sá orðið, sem tilnefndur er af dómaranefnd KSÍ, hefur starfað sem héraðsdómari síðastliðin 2 ár og sannar hæfni sína í verki með því að dæma að minnsta kosti 1 leik að viðstöddum fulltrúa dómaranefndar KSÍ.
- 4.2. Dómaranefnd KSÍ velur árlega deildardómara úr hópi landsdómara og skulu þeir einir dæma leiki í Pepsi-deild, 1. og 2. deild karla, Pepsi-deild kvenna, Meistarakeppni KSÍ, bikarkeppnum meistaraflokka karla (aðalkeppni) og kvenna (frá og með 8 liða úrslitum) og úrslitaleiki í landsmótum og bikarkeppnum KSÍ.

- 4.3. Dómaranefnd velur einnig sérhæfða aðstoðardómara úr hópi landsdómara. Þeir skulu starfa oftast sem aðstoðardómarar en sem dómarar. Þeir hafa einnig rétt til að dæma alla leiki nema í Pepsi-deild og 1. deild karla.
- 4.4. Landsdómarar skulu gangast undir og standast skriflegt próf í dómarafræðum og regluleg þolpróf skv. ákvörðun dómaranefndar KSÍ.
- 4.5. Milliríkjadómarar skulu standast kröfur FIFA fyrir milliríkjadómara. Dómaranefnd KSÍ er heimilt að auka kröfur til dómara í Pepsi-deild til samræmis við þær kröfur FIFA
- 4.6. Starfstíma deildardómara lýkur ekki síðar en í lok þess árs, sem hann verður fimmtugur.

5. gr.

Virkir dómarar

- 5.1. Aðeins virkir dómarar skulu dæma leiki, er fram fara á vegum aðila innan KSÍ.
- 5.2. Virkir dómarar teljast þeir sem starfað hafa við að minnsta kosti 15 leiki á síðastliðnu ári eða við 20 leiki á síðastliðnum tveimur árum á vegum aðila innan KSÍ. Leikir í hraðmótum félaga og í innanhúsmótum eru metnir sérstaklega. Aðildarfélag KSÍ skrá leiki dómara í mótum KSÍ í mótakerfi sambandsins, en dómarar skulu sjálfir halda skrá um aðra leiki sína.
- 5.3. Óski dómari, sem ekki getur talist virkur samkvæmt fyrrgreindu ákvæði, eftir að öðlast dómara réttindi á ný, skal hann og/eða félag hans senda dómaranefnd KSÍ beiðni þar um. Nefndin tekur síðan ákvörðun um hvort og hvers konar réttindi veitast á ný.
- 5.4. Virkir dómarar skulu hafa ókeypis aðgang að öllum knattspyrnuleikjum hvar sem er á landinu enda beri þeir skírteini útgefið af skrifstofu KSÍ, samkvæmt reglugerð KSÍ um aðgönguskírteini.

6. gr.

Kennarar í knattspyrnudómarafræðum

- 6.1. Til þess að dómari geti orðið kennari í knattspyrnudómarafræðum þarf hann að hafa hlotið til þess menntun og reynslu sem viðurkennd er af dómaranefnd KSÍ og staðfest af stjórn KSÍ.

7. gr.

Svipting dómara réttinda

- 7.1. Framkvæmdastjóri KSÍ getur meinað dómara að starfa á leikjum á vegum KSÍ tímabundið, ef dómari hefur brotið alvarlega af sér í starfi eða veldur ekki starfi sínu ítrekað. Ef gripið er til þessa úrræðis, skal dómaranefnd KSÍ taka málið fyrir á næsta fundi sínum eða eins fljótt og auðið er samkvæmt kröfu. Nefndin skal þar taka málið til skoðunar og ákveða um framhald þess. Nefndin getur fellt niður ákvörðun framkvæmdastjóra KSÍ eða ákveðið málsmeðferð skv. 7.2.
- 7.2. Verði dómara á alvarleg mistök í starfi eða hann gerist sekur um ámælisverða framkomu eða mál fer skv. grein 7.1. skal dómaranefnd KSÍ senda aga- og úrskurðarnefnd KSÍ skriflega greinargerð um málið sem tekur málið til meðferðar skv. reglugerð KSÍ um aga- og úrskurðarmál og beitt viðurlögum skv. henni. Jafnframt getur aga- og úrskurðarnefnd KSÍ svipt dómara réttindum að nokkru eða öllu leyti.

8. gr.

Eftirlitsmenn

- 8.1. Dómaranefnd KSÍ tilnefnir eftirlitsmenn dómara á leiki í meistaraflokkum karla og kvenna þegar ástæða er talin til, svo og á aðra þá leiki sem dómaranefnd kann að ákveða.

- 8.2. Hlutverk eftirlitsmanna er að fylgjast með og gefa skýrslu um frammistöðu dómara og aðstoðardómara. Skýrslur eftirlitsmanna skulu gerðar á sérstöku eyðublaði, sem dómaranefnd útbýr og leggur til, og skal útfylling og frágangur vera skv. leiðbeiningum nefndarinnar. Eftirlitsmenn skulu senda skýrslur sínar með tölvupósti til skrifstofu KSÍ innan sólarhrings frá því að leik lýkur.
- 8.3. Stjórn og mótanefnd KSÍ geta aukið verksvið eftirlitsmanna og falið þeim að fylgjast með framkvæmd leiks (leikvöllur, aðbúnaður, öryggismál o.fl.) og gefa skýrslu um framkvæmdina og skýrslu um háttvísimat þar sem við á.

9.gr.
Gildistaka

- 9.1. Reglugerð þessi er sett með stöð í 18. grein laga KSÍ og öðlast þegar gildi samkvæmt sömu grein. Við gildistöku hennar fellur úr gildi reglugerð KSÍ um knattspyrnudóma.

Samþykkt af stjórn KSÍ 23. apríl 2007 með síðari breytingum